

OPERATIVNA NAREDBA
REDNI BROJ OPERATIVNE NAREDBE: ON 1– OPS

Br. protokola
2-3-50-1066-1/12

Direkcija za civilno zrakoplovstvo Bosne i Hercegovine

Obavještenje o izdavanju operativne naredbe koja se odnosi na obavezu dostavljanja informacija o provođenju treninga, odnosno provjera letačkog i kabinskog osoblja zračnog operatora nosioca Potvrde zračnog operatora (AOC) izdate od strane BHDCA

Datum izdavanja: 27.07.2012.

Mjesto izdavanja: Banja Luka

Obrazloženje za izdatu operativnu naredbu

U cilju planiranja stručnog i inspekcijuskog nadzora, BHDCA uvodi obavezu obavještanja o provođenju treninga, odnosno provjera letačkog i kabinskog osoblja zračnog operatora nosioca Potvrde zračnog operatora (AOC) izdate od strane BHDCA. Odgovarajuće treninge i provjere zračni operator je dužan najaviti putem e-mail-a najkasnije 15 dana prije izvođenja planiranog treninga, odnosno provjere ukoliko se trening, odnosno provjera sprovodi na teritoriji Bosne i Hercegovine, odnosno jedan kalendarski mjesec prije početka prvog treninga, odnosno provjere ako se trening i provjera izvode izvan teritorije Bosne i Hercegovine.

Najava se vrši elektronskim putem (elektronskom poštom) na adresu: najava@bhdca.gov.ba ili putem faksa na telefon: 00387 51 921-520 od 08:00 do 17:00 časova.

Obuku i provjere je obavezno najavljivati odgovorno osoblje (Postholders) zračnog operatora koje je odobreno od strane BHDCA.

Informacije koje su zračni operatori obavezni dostaviti su:

Prijava treninga, odnosno provjere

- Ime i prezime instruktora/stručne osobe koja provodi trening:
- Ime i prezime stručne osobe koja provodi provjeru:
- Ime i prezime ispitivača:
- Broj (oznaka) ispitivača:
- Imena i prezimena kandidata obuhvaćenih treningom / provjerom:
- Vrsta treninga koja se provodi sa kandidatima:
- Vrsta provjere nad kandidatima:
- Uloga kandidata u toku treninga/provjere:
- Sredstvo na kome se vrši trening/provjera (vrsta sredstva, oznaka tipa, registarska oznaka i sl.):
- Mjesto i vrijeme obuke:
- Mjesto i vrijeme provjere:
- Kontakt telefon:

Najava u skladu sa navedenim zahtjevima se odnosi na treninge i provjere koje su propisane u OPS 1/JAR OPS 3 Subpart E, N, O, R, S i Operativnim priručnikom (OM) – Part D zračnog operatora.

Zračni operator će informacije po ovoj operativnoj naredbi slati sa jednog e-mail-a uz jasno definiranje odgovorne osobe operatora zadužene za najavu treninga, odnosno provjere.

Ispitivači koji su autorizirani izvan BHDCA su dužni u sklopu dokumentacije za kandidata dostaviti ovjerenu kopiju autorizacije, ovjerenu kopiju letačke dozvole i ovjerenu kopiju ljekarskog uvjerenja.

Nepostupanje po ovoj operativnoj naredbi za posljedicu ima neprihvatanje odgovornog osoblja, osoblja za trening i provjere, odnosno neprihvatanje sprovedenog treninga/provjere u okviru zahtjeva Operativnog priručnika kompanije, koji se koristi za prihvatanje treninga letačkog, kabinskog i drugog osoblja u okviru operatora, odnosno za izdavanje, produženje ili obnovu ovlaštenja letačkog, kabinskog i drugog osoblja.

Razlog izdavanja operativne naredbe

U periodu pune primjene zahtjeva JAR-FCL i EU-OPS u oblasti operacija zrakoplova uočeni su nedostaci koji direktno utiču na osiguranje nadzorne funkcije BHDCA nad radom ispitivača, instruktora i drugog stručnog osoblja angažiranog od strane operatora koje sprovodi trening, odnosno provjere letačkog, kabinskog i drugog osoblja operatora, kao i na pouzdanost podataka dostavljenih sa realiziranih treninga i provjera.

Uvođenjem ove operativne naredbe, BHDCA u potpunosti osigurava javnost rada osoblja involviranog za potrebe treninga i provjera letačkog, kabinskog i drugog osoblja, nadzor nad radom ispitivača, instruktora i drugog stručnog osoblja u postupku sprovođenja treninga i provjera, kao i pouzdanost dokumentacije koja se dostavlja operatoru i BHDCA (u skladu sa vrstom treninga, odnosno provjere) u cilju osiguranja zapisa sa treninga, odnosno provjere letačkog, kabinskog i drugog osoblja zračnog operatora nosioca Potvrde zračnog operatora (AOC) izdate od strane BHDCA.

Potpis generalnog direktora: _____

